

175

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18) i Prijedloga odluke Vlade Brčko distrikta BiH, broj predmeta: 02-000291/19, broj akta: 01.11-1161DS-012/20 od 6. 2. 2020. godine, Skupština Brčko distrikta BiH na I. nastavku 60. redovne sjednice održanom 18. marta 2020. godine, donosi

O D L U K U
O IZMJENAMA I DOPUNAMA ODLUKE O OSNIVANJU
FONDA ZDRAVSTVENOG OSIGURANJA
BRČKO DISTRIKTA BOSNE I HERCEGOVINE

Član 1

(1) U Odluci o osnivanju Fonda zdravstvenog osiguranja Brčko distrikta Bosne i Hercegovine (Službeni glasnik Brčko distrikta Bosne i Hercegovine, brojevi: 01/07, 08/07, 07/11, 45/14, 20/16 i 07/18) u članu 15 stav 3 mijenja se i glasi:

„(3) Član Upravnog odbora Fonda zdravstvenog osiguranja Brčko distrikta BiH ne može biti lice koje je direktor javnog preduzeća ili ustanove Brčko distrikta BiH kao ni zaposlenik Fonda zdravstvenog osiguranja Brčko distrikta BiH.“

(2) U istom članu iza stava 8 dodaje se novi stav 9 koji glasi:

„(9) Upravni odbor najmanje dva puta godišnje izvještava osnivača o svom radu.“

Dosadašnji stavovi 9, 10, 11 i 12 postaju stavovi 10, 11, 12 i 13.

Član 2

U članu 15a stav 1 mijenja se i glasi:

„(1) Članovi Upravnog odbora imaju pravo na naknadu za rad u upravnom odboru koja može iznositi najviše do iznosa prosječne neto plate isplaćene u Brčko distriktu BiH za prethodnu godinu.“

Član 3

U članu 16 stavu 1 iza tačke h) dodaje se nova tačka i) koja glasi:

„i) Podnosi godišnji program rada osnivaču na usvajanje najkasnije do kraja prvog kvartala kalendarske godine za koju se program usvaja;“.

Dosadašnje tačke i), j), k), l), m), n), o), p) i r) postaju tačke j), k), l), m), n), o), p), r) i s).

Član 4

U članu 25 iza stava 2 dodaju se novi stavovi 3 i 4 koji glase:

„(3) Sve akte, njihove izmjene i dopune koji regulišu plate, naknade, minuli rad, topli obrok, dnevnicke i druga primanja isključivo se donose uz saglasnost osnivača.“

(4) Potrebno je tražiti saglasnost osnivača na bilo kakve izmjene i dopune akata koje je osnivač donio ili prethodno dao saglasnost.“

Član 5

Ova odluka stupa na snagu danom donošenja i objavit će se u Službenom glasniku Brčko distrikta BiH.

Broj: 01-02-833/20
Brčko, 18. 3. 2020. godine

PREDsjedNIK
SKUPŠTINE BRČKO DISTRIKTA BiH
Esed Kadrić, s. r.

176

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18), a nakon razmatranja Izvještaja o radu Vlade Brčko distrikta BiH za 2019. godinu, Skupština Brčko distrikta BiH na I. nastavku 60. redovne sjednice održanom 18. marta 2020. godine, donosi

ODLUKU
O USVAJANJU IZVJEŠTAJA
O RADU VLADE
BRČKO DISTRIKTA BOSNE I HERCEGOVINE
ZA 2019. GODINU

Član 1

Usvaja se Izvještaj o radu Vlade Brčko distrikta Bosne i Hercegovine za 2019. godinu.

Član 2

Izvještaj o radu Vlade Brčko distrikta Bosne i Hercegovine za 2019. godinu, broj predmeta:02-000331/19, broj akta: 01.11-1161DS-002/19 od 9. 12. 2019. godine čini sastavni dio ove odluke.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-834/20
Brčko, 18. 3. 2020. godine

PREDsjedNIK
SKUPŠTINE BRČKO DISTRIKTA BiH
Esed Kadrić, s. r.

177

Na osnovu člana 22 Statuta Brčko distrikta BiH – prečišćeni tekst (Službeni glasnik Brčko distrikta BiH, broj 2/10), člana 64 Poslovnika o radu Skupštine Brčko distrikta BiH – prečišćeni tekst (Službeni glasnik Brčko distrikta BiH, broj 54/18) i Programa rada Vlade Brčko distrikta BiH za 2020. godinu, Skupština Brčko distrikta BiH na I. nastavku 60. redovne sjednice održanom 18. marta 2020. godine, donosi

ODLUKU
O USVAJANJU PROGRAMA RADA
VLADE BRČKO DISTRIKTA
BOSNE I HERCEGOVINE
ZA 2020. GODINU

Član 1

Usvaja se Program rada Vlade Brčko distrikta Bosne i Hercegovine za 2020. godinu.

Član 2

Program rada Vlade Brčko distrikta BiH za 2020. godinu, broj predmeta:02-000349/19, broj akta: 01.11-1161DS-002/19 od 30. 12. 2019. godine, čini sastavni dio ove odluke.

Član 3

Ova odluka stupa na snagu danom donošenja i bit će objavljena u Službenom glasniku Brčko distrikta BiH.

Broj: 01-02-835/20
Brčko, 18. 3. 2020. godine

PREDsjedNIK
SKUPŠTINE BRČKO DISTRIKTA BiH
Esed Kadrić, s. r.